

## Veränderig

Buurelüt im Schwizerland, möi andersch produziere  
S'muess besser aber böuiger si, süsch duet mers importiere.  
Zum Usglich da probiert me de, wieder öppis z exportiere.

Aues wott mer ändere, s esch so i aune Ländere

Jodel

S'nöischte geit grad rund um d Wäut, chaisch aues ufem Böudschirm gse  
S'wird gfaxet, gmailet, gSMSlet, s Händy fäut hüt niene meh.  
Ufs Liebesbriefli mit de Poscht, da wartet hüt scho niemer meh

D'Mönschheit duet sich ändere, s esch so i aune Ländere

Jodel

Nume choche, putze, wäsche isch doch nüd me für ne Frou  
Die auermeiste säge sech, was d Manne chöi das chöi mier ou  
Doch eis isch sicher, s blibt derbi, füre Nachwuchs bruchts haut d Manne ou

Das cha niemer ändere, s'esch so i aune Ländere.

Jodel